

STATUUT A DEMOSTRA SU BALOR

ORANJESTAD(AAN): Riba tur isla di Antillas a worde celebra ayera e 40 aña di existencia di firmamento di Statuut di reino.

Na Curacao e celebracion a cuminsa ayera mainta cu diferente actividad ceremonial pa recorda e firmamento di Statuut.

Na Curacao a cuminsa cu un reunion solemne di Staten di Antillas hulandes, sigui pa desvelo y butamento di krans na estatua di Dr. Efrain Jonckheer riba Plaza Efrain Jonckheer y na Plaza da Costa Gomez na estatua di Dr. Moises Da Costa Gomez.

E barco Karel Doorman tambe a drenta waf di Curacao unda tabata tin un ceremonia militar ademas.

Na Aruba tabata tin ponedimento di krans ayera na graf di Shon A Eman, na estatua di Betico Croes, Juancho Irausquin, Reina Wilhelmina, y Henny Eman.

Atardi tabata tin un ceremonia na waf na entrada di e barco di guera Karel Doorman y anochi un reunion solemne di Staten di Aruba.

MIGUEL POURIER

Prome Ministro di Antillas Miguel Pourier ta kere cu 40 aña Statuut ta significa diferente desarrollo, incluyendo diferente desarrollo positivo, pero e no a haci pueblonan di Antillas mas independiente.

Esey mester tabata e meta principal di e Statuut.

"Mi por menciona e estabilidad politico cu entre otro tin di haber cu nos relacion estatal cu un pais cu tradicion democratico manera Hulanda.

"E estabilidad politico aki sin duda tabata tin un influencia positivo pa e clima di inversion y desarrollo economico di nos islanan. E tradicion democratico di Hulanda tabata motibo tambe pa nos prome pasonan riba tereno politico y gubernamental.

Awor ta nos mes riba propio forza mester percura pa sigui mehora y adapta e modelo aki, den nos propio realidad.

"Pensando riba e influencia positivo di Statuut, mi por menciona tambe e continuidad di enseñanza cu nos jovennan por haya na Hulanda, of e posibilidadnan cu nos mes islanan a bota.

"Ta tristo pa mira talentonan joven bay afo tur aña pasobra aparte di e cambionan cultural grandi cu e muchanan ta experiencia na edad joven, hopi di nan ta keda afo, tambe despues di caba nan estudio".

Pero di otro banda e continuidad di estudio avanza ta habri e posibilidad pa yunan di tera keda activamente involvi den desarrollo di nan isla.

"Y esey na su turno ta haci nos menos dependiente di yudanza hulandes. Awor ta nos mes mester percura pa crea condicionnan pa mas di nos jovennan por alcanza e nivel necesario pa sigui es-

tudio avanza", Prome Ministro di Antillas a duna di conoce.

HENNY EMAN

Prome ministro di Aruba Sr. Henny Eman a expresa cu Aruba si ta contento cu e dia di awe pasobra ta danki na cooperacion di Antillas awe Aruba no tin loque el a yama "e menaza di independencia ta cologa riba cabez di Aruba".

Pa e motibo aki awe Aruba por celebra, Henny Eman a opina.

Mas di e discurso di Sr. Henny Eman por lesa den e edicion aki.


VOORHOEVE

Ministro Voorhoeve di asuntonan Antillano y di Aruba a muestra entre otro cu awe 40 aña despues di a firma e Statuut, por constata cu den tur pais di reino tin

consenso amplio cu nan kier sigui den un lazo estatal hunto.

E no kier a tripi na duna un splicacion historico of cultura di e motibonan cu a conduci cu awe por conclui cu tin deseo politico pa continua cu e relacion estatal den reino hulandes.

"E determinacionnan den Statuut den e 40 añanan aki a demostra nan balor", el a laga sa entre otro.



LAGA ILUSION BIRA FANTASIA !!!



ZUNOCA ARUBA N.V.
Schelpstraat 58 - Telefoon 25523

BOLIVAR

Special pa December
BS. 1000.00 pa Afl. 10,50

Very Special: Ariba BS 300.000.00

Ultra Special: Ariba BS 1.000.000.00

Tambe Transferencia pa Venezuela (BS) y
pa Colombia (Pesos) den menos di 24 ora